

A *rubá***A** *ntaño*

ARUBA Antaño....den nos Aruba Antaño tin hopi cos pa recorda y pa trece adilanti pa e generacionnan nobo cu no sa di esaki nan. Un di nan ta nos casnan di antes, mas tanto na e parti di distrito, cual awendia ta ser yama buiten-district, pero den nos dushi papiamento cas di campo. E manera nos a duna di conoce den un articulo basando ariba e prome school di Aruba, unda cu Padre Serafin a lanta e prome school di Aruba den un cas di torto cu dak di pal, maishi. Nos hendenan tabata apesar di e poco conocimiento pero cu un adaptacion di biba hunto y carga responsabilidad pa esnan cual ta su deber di mira pa nan. E homber sea ta bai laman of ta pasa su dia den cunucu pa por yega na e alimentacion, tanto na terra como den laman; tambe tin otronan cu mester a bai Cuba manera ya nos a musta ayera pa por gana un dos cen manera nos sa bisa. E homber semper a ser respeta pa su esposa o su concubina, y semper e muher tabata sa su deber pa e mantencion di cas. Preparacion di loke tin pa come, di tenemento di cas limpi y cu te cu e dia di awe ta esun di semper esta di mantene rond di cas limpi, pa di es manera ey tene cualkier insecto afor di drenta den cas. Despues di un dia pisa di trabao e homber ta yega cas y un di e prome cosnan cu e ta haci ta di bai laba patras di cas pa despues sinta y disfruta di loke tin pa come. Pa descansa di un dia pisa di trabao e ta sinta dilanti porta cu su cachimba den aire fresco di anochi. E ora di bai drumi semper ta tempran pa lanta tempran. E luz ta di lanterna, e awa ta di regenbak o di poz, e stoof ta un fogon of dor di palu cu a ser piki especialmente pa cushina, pero semper ta acepta cu loke cu tin sin queha y cu conforme na e voluntad di Dios. Orfa di cosecha of di trahamento di cualkier cos cu tin mester di duna un man, semper esaki ta ser duna di un pa otro. E casnan di tempo di antaño manera te ainda nos ta mira cu e bladnan di porta y bentana completamene tapa, ta pasobra e macambanan cu a ocupa e isla un tempo tabata bao di e keremento cunos lo tin e temporada di invierno (winter). Esaki ta un di e motibonan cu ainda nos ta mira casnan cu e bladnan aki di porta y bentana. Ki dushi ta cu apesar di tur e mundo di antes pa bia, unda cu tin menos di loke awendia ta ser yama Stress.